

Gymnasieskolan
Programmet
för administration, handel
och varuhantering



Kurmancî
Kurmanjî

Skolverket

Utbildningsinfo

Programa ji bo birêvebirin, bazirganî û karkirina li ser mal û alavan

Programa birêvebirin, bazirganî û karkirin li ser mal û alavan ji bo wan kesên ku dixwazin bi bazirganî, îdare û ragihandinîyê re mijûl bibin.

Tu her weha dikarî vê programê hilbijêri heger ku tu dixwazî di embara mal û alavan de kar bikî.

Program berê xwe dide wan kesên ku dixwazin di sektora servîs û xizmetê de kar bikin û hez dikin bi însanan re danûstendinan bikin.

Di programê de van tiştan hîn dibî

Tu hînê firoşkarî, stendina mal û tevgera mal û alavan dibî.

Tu hînê karkirina bi neqlîyat û belavkirina mal û alavan dibî, ku jê re dibêjin lojîstîk.

Di programê de her weha hînê bazarkirinê jî dibî. Wekî din zanebûnên di derbarê berheman û branşên cuda jî di programê de hene.

Tu hînê karê birêvebirinê dibî û her weha xebata bi aborîya nav şirketan û îdareya fermî dibî.

Derfet tê dayîn ku tu hînê danûstendin û xizmetkirina mişterîyan bibî da ku tu karibî bi wezîfeyên wekî konferans û resepsiyonê re jî mijûl bibî.

Her weha zanebûn jî te re têne dayîn ku tu karibî alav û makîneyên di bazarê, îdare û mijûlbûna bi mal de bikarbînî.

Di programê de bi kesên din re bi hev re perwerde dibînin ku bi servîseke baş bi însanan re danûstendinê bikin.

Pirsên jîngeha kar beşeke girîng ya programê ye, ji bo ku di pêşerojê de tu li cihê kar zêrê nebin û her tim bibî xwedî tenduristîyeke baş.

Program wiha hatiye amadekirin

Di programên neteweyî de dersên ku herkes divê bixwîne hene. Ji vana re dibêjin dersên hevpar yê dibistanên taybet yê lîseyê.

Ev ders vana ne:

- Înglîzî
- xebata estetîkî
- dîrok
- spor û tenduristî
- matematîk

- xwezazanî
- olzanî
- civakzanî

swêdî yan jî swêdî weke zimanê dûemîn.

Dersên hevpar yê programê

Di programê de dersên pişeyî yan jî dersên taybetmendî hene ku ji wan re dibêjin dersên hevpar yê programê. Hemû şagirdên li Programa birêvebirin, bazirganî û karkirina bi mal û alavan divê van dersan bixwînin:

- idare
- bazirganî
- agahî û danûstendin
- stendina mal û lojîstîk
- xizmet û pêşwazîkirin.

Pêdaketina hûrûkûr ya programê

Tu her weha çend dersên din jî dixwîni ku di beşa te hîlbijartîye de bêtir zanebûnan dide te. Ji vana re dibêjin pêdaketina hûrûkûr ya programê.

Ji ber ku dibistanên cuda di warê pêdaketina hûrûkûr ya programê de dersên cuda pêşwazî dikin tu dikarî bi xwe ji dibistana miraceatê wê dikî bipirsi ka li cem wan kîjin dersên pêdaketina hûrûkûr ya programê têne dayîn.

Her weha li ser webçîhê www.skolverket.se, di bin beşa Förskola och skola (Pêşdibistan û dibistan) dikarî bêtir li ser pêdaketina hûrûkûr ya programê bixwîni.

Hilbijartina şexsî

Tu her weha hîlbijartîneke şexsî jî dikî. Tu dikarî çend dersên ku di programê de çîh nagirin, lê ji aliyê hemû şagirdên li dibistanê ve dikarin werin xwendin, hîlbijêrî.

Pîlana dersan

Ji bo her dersek li Lîseyê perwerdeya taybetî pîlaneke dersan ya bi kursên pûankirî heye.

Heger tu serkeftî bî midûr dikare biryar bide ku tu kurs yan jî dersên li dibistana lîseyê bixwîni. Bi wî awayî pêşbirkexwazîya perwerdeya te zêdetir dibe.

Not û qarne

Dema kursek bi dawî bû tu jê not werdigirî. Mamoste dê zanebûnên te binirxîne û wan bi şertên di dereceyên notên A, C û E re miqayese bike.

Apl

Wan zanebûnên ku te li programê wergirtîne li kargehekê dikarî biceribîni û bikarbinî. Ji vê re dibêjin perwerdeya li cihê kar (arbetsplatsförlagt lärande, apl).

Xebata Lîseyaya perwerdeya taybetî

Bi armanca ku nişan bidî tu ji bo wezîfeyên cuda yê xebatê re baş amade yî tu dê xebateke di Lîseyaya perwerdeya taybetî de pêk bîni.

Ji ber ku divê xebata Lîseyaya perwerdeya taybetî temamiya perwerdeya te nişan bide, tu vê yekê di dawîya perwerdeya xwe de pêk tîni.

Pîlana perwerdeyê ya şexsî

Pîlaneke perwerdeyê ya şexsî ya te heye. Di wir de ew ders û kursên hatine rêzkirin ku tu dê di dema xwe ya lîseyê de bixwîni hene.

Hemû biryarên di derbarê ka tu dê çi bixwîni de pêwîst e di pîlana perwerdeyê ya şexsî de çîh bigirin.

Dîploma Lîseyaya perwerdeya taybetî

Dema tu piştî çar salan Lîseyaya perwerdeya taybetî bi dawî dikî ji te re dîplomayek tê dayîn. Di dîplomayê de ew zanebûn û tecrûbeyên te yê ji Lîseyaya perwerdeya taybetî hatine nivîsandin.

Ev dîploma nişan dide ka te di nav çar salên xwe yê li Lîseyaya perwerdeya taybetî de çend pûan xwendine.

Heger te notên pejirandî ji kursên bi gîştî ji 2500 pûanî wergirtîye, wê demê tu dibî xwediyê perwerdeyêke temamiya dibistana lîseyaya taybet.

Di programê de wisa dixebitî

Di programê de li ser pirs û problemên cuda bi awayên teorîkî û pratîkî kar dikî. Tu hem bi tena serê xwe kar dikî hem jî bi tevî kesên din re. Tu bi awayên cuda hevkarîyê diceribîni.

Di programê de li ser nîqaşkirinê, fikirandin û gotina nêrîna xwe mijûl dibî.

Tu her weha hîn dibî ku îzah û îfade bikî ka tu problem û pirsên xwe çawa çareser dikî û dersên xwe pêk tîni.